

WEAVERS

orea edia Tahua


Gaukara Ripoti:

Sivarai Badina



PNG Hahine edia Maoro Abiahidi
oreana be: Ede bamona ai mai, Edeseni
hari ai noho bona Edeseni ai ura lao.

Dr Orovu Sepoe, April 2024




Inai Ripoti sivarai be Dr Orovu Sepoe ese ia torea.
bona Toana atoa maoro tauna be Clare Guria.
Inai sivarai toana hedinaraia tauna be Gazellah Bruder.
Written translation from English to Motu by Lahui Lovai.


Copyright © IWDA 2024.

Dr Orovu Sepoe, Sivarai Toana torea tauna bona IWDA ese idia hadibaia, bema daika ia ura inai sivarai lalonai torea herevadia idia abia bona gaukaralaia neganai bema namo Sivarai Torea tauna, Sivarai ena toana torea tauna bona Sivarai ia henia taudia edia amo hereva maoro idia abia guna gabeai inai sivarai idia abia bona gaukaralaia.

Abiahidi taudia: Sepoe, Orovu (2024), WEAVERS edia tahua guakara ripoti. PNG lalonai Hahine edia maoro totona durua oreana: Ede bamona ai mai, Edeseni ai guakara noho bona Edeseni ai ura lao. IWDA.

ISBN: 978-0-6450082-5-8





HANAMOA HEREVADIA

Lau egu hanamoa hereva ia lao, WEAVERS tahua gaukara ena Komiti dekenai bona inai sivarai abia taudia dekenai, badina edia gaukara goada bona lalao auka dainai WEAVERS ena gaukara be ia heaua namo namo.

Inai Gunalaia Komiti taudia be:

- » Catherine Natera Founder/President, Papua Hahine Social Action Forum (PHSAF)
- » Ipul Poweseu, Disability Advocate/Activist/Researcher
- » Dr Mercy Masta, Conciliation Resources Pacific Program
- » Dr Jackie Kauli, Queensland University of Technology
- » Peter Umba, Kafe Urban Women's Association, Goroka, Eastern Highlands Province.
- » Sabinah Kaman, women's rights actor, Minj, Western Highlands Province.
- » Anna Tubuio-Veratau, Papua New Guinea Inter-Denomination Women Empowerment Movement (PNG IWEM)
- » Linda Tule, President, PNG Human Rights Defenders Association; Chairlady, Waigani-Ensis Village Court, N.C.D. and Founder and Director- Awaha Sustainable Development Foundation Inc (ASDF)
- » Sarah Garap, Founder/Director-Mentor for Meri I Kirap Sapotim and Highlands Women Human Rights Defenders Network.
- » Becky Tarube, Government of PNG – Dept for Community Development and Religion.
- » Maura Elaripe, Country Coordinator, WABHA representing PLHIV. Also representing Key Populations (Sex Workers and LGBT)

Inai sivarai abia taudia;

- » Sophie Mangai, Provincial President, East Sepik Council of Women.
- » Ferdinand Masa, Peacebuilding Facilitator, Nazareth Centre for Rehabilitation, Autonomous Region of Bougainville.

- » Kenneth Manman, Kafe Urban Settlers Women's Association, Eastern Highlands Province.
- » Kune Garap, Meri I Kirap and Highlands Women's Humans Rights Defenders Network
- » Dorothy Poweseu, Disability Advocate and Pro Bono Legal Services for Vulnerable women.

Inai be diba abia gaukara namona ta bona diba namona danu ia henia lao gaukara taudia ibounai dekenai.

Inai bamona ripoti ena tahua gaukara be taunimanima ibounai edia gaukara hebou amo ena toana ia hedinarai.

Inai tahua gaukara amo, WRO oreadia ese lalao tamona dekenai WEAVERS edia tahua gaukara idia karaia hebou tamona. Hanamoa hereva danu ia lao WRO's taudia 38 daika ese WEAVER'S tahua gaukara lalonai edia sivarai idia herevalaia. Inai tahua gaukara lalonai Hahine bona Kekenid edia maoro kahanai durua badana idia henia bona Hahine edia gaukara ede bamona ia heau noho dalana danu idia hedinarai namo namo.

HANAMO A HEREVA

Ita laloa danu, iseda Hahine badadia daika be PNG ena gabu idau idau amo idia mai ese inai gaukara idia hamatamaia guna. Inai Hahine be mai goada danu Hahine idia durua henia bona Hahine edia noho mauri idia hanamoa bona hatubuadae.

Ai moalebada inai gunalaia Hahine dekediai badina edia lalohadai bona goada amo hari nega bona vaira nega Hahine bona Kekeni, edia maoro totona mai siahu danu idia gini hebou bona hereva hebou diba.

Tahua Gaukara karaia oreana ladanai, Dr Liz Gill-Atkinson dekenai ai moale bada, badina ia be ai emai, nadi gini bamona, IWDA ena gaukara lalonai, sisiba namodia ia henia bona ena gunalaia gaukara lalonai durua bada ia henia gaukara taudia dekenai bona tahua gaukara lalonai danu, durua namona ia henia inai gaukara hatubuadae kahanai.

Iseda tanikiu hereva ta danu ia lao IWDA gaukara taudia ibounai dekediai. Tanikiu badana ia lao Alice Ridge, Tracey Newbury, Welenie Yaki, bona Joanna Pradela, Cynthia Paton, Camilla Price bona Yi Fan daika ena sisiba namodia amo inai gaukara ia durua bona inai tahua gaukara sivaraidia idia itaia lou bona idia hanamoa.

DFAT Australia taudia danu ita tanikiu henidia, badina inai tahua gaukara lalonai lalohadai namodia momo idia herevalaia bona nega taina danu idia henia hari nega ena Hahine edia mauri sivaraidia idia herevalaia totona. Inai bamona gaukara hebou amo Hahine bona Kekeni edia noho Mauri do ia hanamoa bona hatubua diba hari bona vaira nega ena bese edia namo totona.

O' HEREVA GINIGUNANA

Inai WEAVERS' edia tahua gaukara be lau egu mauri danu ia turana badina lagani twenty (20) ia mai bona hari, PNG Hahine ediai mauri bona gaukara kahanai tahua gaukara lau laloe bada. Lau egu Dokta daga ena tahua gaukara lalonai PNG National Council of Women (NCW) oreana lau abiahidi inai tahua lalonai bona lau ura diba, edena bamona NCW ese Hahine edia maoro kahanai durua ia henia, edia gaukara idia karaia lagani 10 ia lae 15 ia hanai lalonai. Lau egu PhD thesis or tahua pepa ladana be: "Changing Gender Relations in PNG: the Role of Women's Organisations" o 'PNG lalonai Hahine edia gaukara gunalaia orea ena gaukara, Hahine edia Maoro kahanai senisi idia havaraia' inai tahua pepa be lagani 2000 lalonai lau halasia. Unai dainai, lagani thirty (30) ia hanaia murinai, inai hahine oreana bona edia gaukara ia Gunalaia taudia edia gaukara toana do ita itaia namo namo diba. Lau moale bada badina, 'WEAVERS' orea edia tahua gaukara amo inai Hahine orea edia gaukara dalana bona toana do ita tahua bona ita diba namo namo.

Gau badana momokani be, inai tahua gaukara amo Hahine edia Maoro totona idia hereva taudia idau idau idia mai haboua tamona bona inai tahua gaukara dalana idia abiahidi, idia herevalaia bona diba maoro kahanai idia gaukaralaia hebou.

Inai tahua gaukara amo ita ura diba maoro bema, National Council of Women (NCW) orea, daika be Taravatu henunai, Hahine edia maoro bona namo totona idia haginia orea, ese bema ena gaukara ia karaia namo namo o lasi.

Inai Tahua gaukara ena toana badana be tahua gaukara ia gunalaia 'steering komiti' bona hahine oreadia idau idau amo idia mai taudia ese sivarai idia haboua amo tahua gaukara anina ia hedinarai. Inai tahua gaukara lalonai, hahine idia gaukara hebou amo hahine ta ta sibona edia lalohadai idia tahua, Hahine haida danu idia hedavari. bona durua oreadia haida danu idia hedavari bona inai sivarai idia

herevalaia hebou.

Hahine bona kekeni edia maoro totona idia gaukara taudia ese inai gaukara hebou lalonai edia bamodia haida danu idia helai hebou bona PNG lalonai Hahine edia maoro idia herevalaia bona gaukaralaia kahanai goada idia henia bona gaukara idia hatubuadae.

Hahine edia maoro totona idia gaukara oreadia (WRO) edia gaukara be gaukara badana ta badina Hahine edia maoro bona edia sialu henia kahanai gaukara badana idia karaia noho be Hahine edia noho mauri bona tubudaekau idia durua henia.

Inai WRO oreadia edia gaukara ta be dala idau idau lalonai gaukara idia karaia lalonai Hahine edia noho Mauri lalonai kerere idia vara gabudia idia ura hanamoa.

WEAVERS research o tahua gaukara lalonai Hahine edia Maoro abiahidi be gau badana ta. PNG lalonai WRO gaukara oreadia idia haboua tamona bona Hahine durua ena kahanai gaukara karaia gabudia momo lalonai Hahine edia noho mauri sivaraidia bona kerere idia vara gabudia edia sivarai idia abia bona haboua murinai, dala maorodia bona kereredia gabudia amo Hahine edia noho mauri durua daladia idia tahua bona hanamoa guna, murinai Hahine edia noho Mauri bona Maoro abiahidi dala do idia hatubuadae diba.

SIVARAI BADINA

WEAVERS ore a ese Hahine edia noho mauri bona edia maoro durua henia kahanai, tahua gaukara idia karaia neganai Hahine edia Maoro herevalaia oreadia, bona PNG lalonai Hahine ore a idau idau edia gaukara danu idia itaia noho. Inai tahua gaukara lalonai be diba maoro idia abia edena bamona PNG ena sene mauri bona gado idau idau lalonai inai ore a ta ta ese edia sivarai idia halasia bona taunimanima edia lalohadai gunadia idia giroa Hahine, edia maoro hatbudae, goada henia bona edia mauri hanamoa totona lalohadai mata mata idia henia.

Inai tahua gaukara idia karaia lalonai be Gunalaia taudia, Hahine edia maoro ena sivarai halasia taudia bona Hanua taudia ese edia huanai edena, bamona do idia helai hebou bona lalohadai tamona dekenai Hahine edia noho mauri bona maoro daladia ena kahanai goada idia abia, Hahine edia noho mauri durua totona.

Tahua Gaukara ena Henanadai Badadia

Inai Tahua gaukara ia durua ena henanadai badadia toi be;

1. PNG 'Hahine edia Maoro Henia' totona idia gaukara oreadia be edena bamona dala amo edia gaukara idia karaia noho?
2. PNG lalonai daika oreadia be 'Hahine edia Maoro Henia' totona idia gaukara noho bona edia gaukara be edena bamona idia karaia?
3. Hahine edia Maoro Henia totona ore a idau idau be edena bamona idia gaukara hebou tamona. Inai oreadia idau idau lalonai dahaka ese be metau ia henidia bona edena bamona dala amo do idia gaukara hebou bona laloa tamona dekenai inai gaukara do idia hatubua namo namo diba?

WEAVERS Tahua gaukara ena laloa badana be PNG Hahine Maoro Henia ena gaukara karaia oreadia, goada idia henia, edia tahua gaukara karaia daladia lalonai, bona edia Sene o Guna

Hahine edia mauri dalana amo edia tahua gaukara do idia hatubua bona gaukaralaia namo namo.

Inai tahua gaukara amo 'Hahine Goada do ia Henia diba bona Gado Tamona dekenai Hahine ibounai edia Maoro do idia Herevalaia diba. Inai gaukara karaia totona ore a ta ladana 'WEAVERS' idia haginia, daika be Australia Gavamani, Foreign Affairs bona Trade (DFAT) ese durua ia henia moni ena kahanai.

Inai tahua gaukara lalonai be PNG 'Hahine Maoro Henia' ena gaukara oreadia idau idau idia gaukara noho PNG lalonai. Inai taudia haida be, Diba abia gunalaia taudia, Ahediba taudia, Hahine daika idia vara dika taudia, Dubu oreadia, Hahine daika Metau idia davarua taudia bona Tatau daika ese Hahine edia Maoro Henia kahanai inai gaukara idia gunalaia taudia,

Women's Rights Organisations (WRO's) o 'Hahine Maoro Henia' oreadia ibpounai 38 bamona idia gaukara, gabu o region hani (4) dekenai inai tahua gaukara lalonai idia vareai bona durua badana idia henia. Inai tahua karaia gabudia be; Momase, Highlands, New Guinea Islands bona Southern o Papua gabudia, bona edia gaukara durua henia taudia be Tanobada ena Gaukara oreadia badadia ta ta amo idia abiahidi.

Tahua Gaukara ena Dala bona Diba Maoro abia daladia.

Inai tahua gaukara idia karaia lalonai dala ta idia abiahidi be Lalohadai tamona dekenai gaukara do idia karaia hebou. Tahua gaukara lalonai sivarai be idia abiahidi oreadia o taudia sibona ese sivarai do idia abia o Key Informant Interviews (KII) bona Hereva Karaia taudia be abiahidi oreadia sibona dekenai inai sivarai idia herevalaia. Inai oreadia ladana be 'Focus Group Discussions' (FGD).

Inai gaukara be Taunimanima idia noho gabudia lalonai do idia karaia badina unai gabudia lalonai noho mauri ena sivarai momokani idia ura diba maoro dainai. Inai gaukara idia karaia taudia be 'Hahine Maoro Henia' gaukara karaia oreadia idau idau, daika be idia diba maoro unai gabudia ta ta lalonai taunimanima edia noho mauri bona sivarai momokani do idia abia diba inai gabudia o hanuadia ta ta lalonai.

Inai sivarai idia haboua tamona murinai, tahua gaukara oreadia be Gaukara Hebou o Workshop badadia Toi lalonai Lau danu, idia helai hebou, badina Lau be inai gaukara lau gunalaia tauna. Inai gaukara hebou lalonai, sivarai ibounai ai itaia namo namo murinai, do ai itaia bema inai siavarai be 'WEAVERS' orea edia Laloa Badadia Toi idia badinaia momokani o lasi.

Inai guakara hebou amo sivarai badadia idia davaria gaudia be tahua gaukara ena ripoti lalonai idia torea vareai bona idia hedinarai gaudia be noho mauri daladia, sene mauri toana, taunimanima edia lalohadai, Hahine ese metau idia abia maurina bona edena bamona Hahine edia noho mauri idia hanamoa bona edia Maoro Henia daladia do idia abiahidi.

Inai sivaraidia be PNG Hahine edia Maoro Henia ena gaukara oreadia ese idia henia. ***Inai Sivarai be 'Hahine edia Maoro Henia' totona; 'Edena bamona ai mai, Edeseni hari ai gauaka noho bona Edena gabu ai ura lao'.***

#1. Taunimanima ena Maoro badina bona Hahine ena Maoro Anina.

Hahine edia Maoro Henia' ena gaukara oreadia idia diba maoro, Taunimanima edia Maoro bona Hahine edia Maoro' ena Anina be gau tamona.

Inai gaukara hebou lalonai Taunimanima edia Mauri bona Hahine edia Mauri kahanai henandai idia karaia lalonai, taunimanima ibounai be laloa tamona idia henia Taunimanima ena Maoro bona Hahine ena Maoro be Taravatu tamona to inai Maoro be mai ena Kara danu do ita hedinaia.

Anina be Taunimanima ena Maoro ita herevalaia neganai ita be Taunimanima ena Kara bona Hemataurai toana do ita maurilaia. Ita ese danu iseda badinai noho tauna dekenai Hemataurai toana danu ita hedinaia. Inai Maoro be sibona do ia hedinaia kava lasi.

Hari nega lalonai Hahine be 'Gado Tamona' dekenai idia hereva noho bona PNG lalonai Hahine edia laloa gunadia be ia idau noho badina Hahine edia Maoro Henia kahanai diba momo hari idia abia noho dainai.

Hahine edia gaukara hebou lalonai, Dubu ena Hebou bona Hahine sibodia edia Hebou lalodiai inai 'Maoro' danu idia herevalaia. Inai Hahine oreadia haida be 1950' bona 1960's lalonai idia hebou hamatamaia bona orea hegeregere Women's Felosipi bona Hahine edia orea haida idia haginidia amo Hahine edia Maoro Henia kahanai idia hadibaia vadaini bona diba maoro idia abia.

Taunimanima ena Maoro herevana be Dubu bona Murimuri taudia ese idia herevalaia bona inai be toana mata mata ta hari ia hedinaia noho. PNG Hahine edia Maoro Henia ena gaukara oreadia ese Tanobada haida dekenai ia vara noho ena lalohadai danu hari idia abiahidi bona idia badinaia noho.

"Taunimanima ena Maoro' ese edia noho mauri ia naria diba, bema lasi neganai, Idu tauudia haida ese edia noho mauri namona idia hadikaia diba."

"Taunimanima ena Maoro be ia namo badina Hahine ia durua sibona edia noho Mauri hanamoa daladia do idia tahua bona vaira nega lalonai edia noho mauri idia hanamoa diba."

"Guna lau laloa be Taunimanima ena Maoro ese Odogami taudia sibona do ia naria, to hari inai orea lalonai lau vareai neganai, lau diba maoro."

Taunimanima ena Maoro be Taunimanima ibounai naria ena Taravatu badana ta. Inai anina be taunimanima ibounai ia naria diba, Taravatu henunai iseda Maoro ia henida bona ita be mai eda Maoro iseda noho Mauri lalonai kerere idia vara gaudia kahanai ita hereva goada, iseda Maoro haginia goada totona.

Hahine Maoro Henia oreadia (WRO) edia gaukara be gabu ta ta dekenai do ia idau badina Gabu ta ta edia noho mauri be idia idau idau dainai. Hegeregere Highlands gabu lalonai, Hahine idia Aladia noho badina idia laloa Hahine be mea mea o vada karadia amo taunimanima ta ia alaia mase dainai, Hahine bona Kekenai momo be idia Alaia mase bona haida be Lahi dekenai idia gabua bona momo be inai bamona kara amo idia mase vadaini.

Inai tahua gaukara amo gau ta idia itaia be Gavamani ena tubudaekau gaukarana ia karaia lalonai WRO ese Hahine edia maoro kahanai, idia hereva goada lasi o idia diba maoro lasi, dainai WRO oreadia be Gavamani ese durua moni bona gaukara kohudia dekenai durua namona idia henidia lasi.

#2. Taunimanima ena Maoro durua oena readia bona Hahine edia Maoro Henia gaukara oreadia edia toana.

PNG lalonai Taunimanima edia maoro idia durua gaukara taudia be idia diba maoro daika taudia be inai gaukara idia karaia bona inai taudia momo be guna idia gaukara hebou tamona. Haida be idia do gaukara noho bona WRO oreadia danu idia durua bema idia gaukara noho neganai.

Inai taudia edia gaukara hebou toana be ia hedinarai inai gabu ta ta lalonai:

- Sibona idia gaukara o edia turadia danu idia gaukara hebou;
- Gaukara idau idau idia vara noho hegeregere, GBV o' Hahine Botaia ena kerere, Moni Karaia program bona Sanap Wantaim o' Gini Hebou heduru gaukara.
- Provincial Council of Women idia vareai o NCW bona Dubu Felosip Hahine oreadia dekenai idia vareai bona Dubu orea badadia henunai idia gaukara.

Highlands bona Bougainville gabudia edia WRO be idia goada momokani badina durua namona idia abia NGO orea bona edia Gavamani ena amo, unai anina idia be edia gaukara lalonai, durua namona idia abia noho bona edia gabu lalonai metau idia vara ena kahanai idia gaukara hebou diba Hahine edia mauri durua totona.

To inai bamona durua be ia mai lasi Dubu Hahine oreadia dekenai bona tauni lalonai Hahine oreadia dekenai unai totona Tauni dekenai WRO oreadia ese auka idia abia noho Hebou badadia, Gaukara Hebou daladia bona edia Diba gaudia hadibaia ena kahanai. Inai badina be gaukara karaia moni bona kohu kahanai durua namona ta idia abia lasi Hahine oreadia dekenai.

Tatau bona Memero mata mata momo be WRO' gaukara o Tatau durua gaukaradia lalonai idia vareai noho bona idia gaukara. PNG lalonai Tatau ese Bese ena mauri herevadia karaia ena toana be gau mata matana lasi badina **Hahine bona Tatau edia noho mauri bona gaukara daladia be Sene mauridia lalonai idia maurilaia vadaini. PNG WROs edia gaukara lalonai Sene mauri kahanai Hahine bona Tatau ena gaukara hebou dalana be idia diba vadaini, una dainai Hanua lalonai Hahine edia Maoro haginia gaukara ita hatubua neganai unai taunimanima edia sene karadia ita matauraia bona Tatau danu bema ita gaukara hebou be gau badana momokani.**

WROs edia gaukara ta danu be Hahine daika idia vara dika taudia o idia raka diba lasi taudia edia maoro kahanai durua gaukara idia karaia. Nega momo be inai Maoro durua oreadia ese inai bamona manoka taudia idia durua henia edia noho gabu ta ta lalodai.

Inai Tahua gaukara ese ia hedinarai danu, WRO bona Hahine edia Maoro durua henia oreadia haida edia gaukara dalana idia itaia hegeregere Gavamani bona Durua henia oreadia haida danu bona idia davarai inai gabu ta ta dekenai durua abia mai daladia be idia idau bona gabu momo dekenai edia gaukara be ia goada lasi dainai gabu haida dekenai be gaukara idia heau namo namo lasi. Inai gaukara hebou daladia be idia haginia vadaini to nega momo, moni bona gaukara kohudia abia mai ena daladia be ia auka dainai inai gaukara oreadia be durua ta idia abia lasi. Unai dainai WEAVERS edia tahua gaukara amo dala mata mata haida idia abiahidi bona WRO oreadia maoro idia henidia inai bamona gaukara kahanai idia Hereva maoro bona Tahua gaukara ena kahanai durua namona do idia abia diba moni o gaukara kohu ena kahanai. Inai bamona Program bona Projects lalonai Hahine edia Maoro Henia ena gaukara do idia hatubuadae namo namo diba.

#3. Ecosystem of Women's Movement/ Hahine edia Noho bona Gaukara Karaia ena Mauri dalana.

Inai tahua gaukara lalonai gau badana ta idia davaria be PNG Hahine edia Maoro kahanai gaukara taudia be '**Lalohadai Tamona**' dekenai idia gaukara hebou diba. Inai bamona lalohadai ese goada ia henia danu badina nega momo gaukara inai bamona be idia goada lasi badina durua henia oreadia hegregerere Gavamani oreadia danu idia gaukara hebou lasi dainai WRO ese durua namona idia abia lasi. PNG ena gabu ibounai lalonai Maoro Henia ena kahanai gaukara oreadia ese Hahine edia Maoro henia totona '**Lalohadai Tamona**' idia abiahidi bona idia gaukara hebou neganai goada idia henia edia gaukara lalonai.

Inai Tahua gaukara amo idia davaria danu, Highlands bona Bouganville gabudia lalonai Hahine edia *Maoro Henia Gaukara oreadia* be idia gaukara hebou noho to gabu momo dekenai inai bamona gaukara hebou be idia karaia lasi.

National Council of Women (NCW) (itaia case study/boxed text on p.X) daika be taravatu henunai Hahine edia orea badana, be durua abia gabuna ta. Bema Hahine edia gaukara maurina ita ura diba namo namo neganai. To inai tahua gaukara nega lalonai (2013 ia lao bona 2023) inai orea NCW edia gaukara be ia heau lasi.

PNG lalonai Dubu bona WRO oreadia ese gaukara toana tamona idia karaia noho. Hahine edia Maoro Henia ena durua gaukara idia karaia taudia momo be dubu dekenai idia lao guriguri taudia.

#4. Gaukara hebou goada henia bona hatubua daladia.

WROs bona ena gaukara taudia goada henia bona hatubua daladia edia gaukara lalonai be; Maoro Henia gaukara taudia bona iseda durua oreadia ita haboua tamona bona gaukara dalana ita itaia namonamo vadaini Bese mata mata bona gunalaia taudia mata mata danu edia gaukara karaia dalana ita hadibaia namonamo bona idia ese edia bamodia danu do idia haboua bona inai mauri lalonai metau idia vara noho gabudia do idia herevalaia bona hadibaia bona gaukara hebou dalana idia hatubua. Inai bamona gaukara hebou amo dala mata mata momo do ita havaraia diba bona goada do ia henia bema ita gini hebou tamona,, gado tamona dekenai ita hereva, taunimanima ita hadibaia bona mauri mata mata do ita havaraia diba iseda noho gabudia lalonai.

Maoro henia gaukara taudia edia gaukara lalonai **dala mata mata momo idia noho** durua moni abia kahanai, gaukara hatubua ena hadibaia gaukara, Diba taudia edia sisiba bona durua gaukara bona Hahine edia Maoro Henia taudia edia gaukara durua ena kahanai goada do ia henia bona gaukara ia hatubua diba eda Hanua lalodai.

Metau badana ta WRO o 'Maoro Henia durua oreadia' dekenai be edia Gaukara Hatubua ena diba kahanai bona inai Gaukara karaia ena kahanai moni be ia hegregerere lasi. Metau haida danu WRO bona Hahine edia Maoro totona gaukara oreadia edia huanai. Inai manoka gabudia haida be heiri heiri edia huanai, sibona edia namo idia tahua, gunalaia taudia idia manoka, bona Gunalaia tauna tamona sibona idia badinaia noho dainai WRO edia gaukara hebou ia hadikaia. Bema it ura PNG Hahine edia gaukara ita hatubua namonamo neganai iseda gaukara lalonai bona muri muri kahanai manoka ia henia gaudia do ita kokia guna unai murinai namo do ita abia mai diba iseda vaira negadia ena gaukara ia heau namo namo totona.

Hereva Dokona

tamona edia noho mauri hanamoa totona.

Hahine Maoro Henia oreadia be idia noho. PNG lalonai Hahine ena Maoro durua henia gaukara kahanai “collective conscience” o “lalohadai tamona” idia Hahine edia Maoro Henia kahanai be ia noho PNG lalonai. Inai tahua gaukara ese ia hedinarai manoka gabudia be idia noho hegeregere, ‘Gaukara hebou ena kahanai, Hahine edia noho mauri bona durua moni ia noho lasi ena kahana’i.

To inai manoka lalonai Hahine Maoro Henia ena gaukara oreadia be idia gini goada noho edia gaukara lalonai. Inai Hahine oreadia be Tatau danu idia gaukara hebou noho. Hahine Maoro Henia oreadia edia gaukara be idia karaia noho mai goada danu inai metau idia vara noho lalonai.

Iseda Gavamani amo durua moni abia ena maoro be ia noho Hahine edia gaukara oreadia durua totona, to nega momo Hahine be durua namona ta idia abia lasi Gavaamani ena amo.

Iseda gaukara badana ta be inai Maoro ena kahanai Hahine ita hadibaia namo namo, vadaini, Hahine oreadia ese ‘gadona tamona’ dekenai edia noinoi hereva idia henia Gavamani dekenai edia durua moni totona bona Hahine edia noho mauri hanamoa ena kahanai siahu do idia abia diba edia gaukara idia karaia neganai.

Manoka gabudia haida be Hahine Maoro Henia gaukara gunalaia taudia idia goada lasi bona Gavamani danu idia gaukara hebou lasi, unai dainai Gavamani ena durua moni ia haria neganai durua ta idia henia lasi. Inai be metau gabuna ta bona WRO edia huanai heiri heiri bona manoka ia havaraia badina gaukara karaia moni bona kohu idia abia lasi. Inai be metau badana ta dainai bema namo idia itaia bona hanamoa haraga. Inai manoka gabudia idia hanamoa neganai Hahine edia Maoro henia gaukara oreadia ibounai idia haboua tamona diba bona Gavamani dekenai boi boi idia karaia, Hahine Maoro henia ena gaukara durua moni abia totona. Iseda tanobada PNG do ia tubudaekau namonamo diba bema Hahine edia Maoro Henia gaukara kahanai Gavamani ese durua namona ia henia bona Hahine -Tatau do idia gaukara hebou

Laloa Karaia gaudia bona Vaira Nega ena gaukara dalana.

Inai Tahua gaukara amo idia abiahidi gaudia ese vaira nega ena gaukara bona mauri dalana do ia hedinarai namo namo diba.

Duraa Henia Moni bona gaukara karaia kohu

Gaukara Karaia Taudia: Gavamani/ Hahine Maoro Henia Gaukara oreadia/ Moni dekenai Durua oreadia

- Gavamani ese bema namo durua henia moni ta idia atoa hegaegae vaira nega totona vadaini Hahine Maoro Henia gaukara oreadia edia gaukara idia durua bona hatubudae, gaukara diba taudia idia abiahidi inai gaukara lalonai bona gaukara karaia rumadia idia haginia, Inai bamona durua amo hari idia gaukara dalana do idia hatubuadae bona moni do idia tahua lou lasi.
- WRO oreadia ese danu, gadona tamona dekenai Gavamani idia hadiabaia bema moni idia haria o budget idia karaia neganai, Hahine edia moni danu idia atoa hegaegae Proviins ta ta lalodiai, inai bamona gaukara karaia totona.
- Department Community Development bona Religion ena GBV Secretariate ese bema namo moni haida idia abiahidi gauna idia henia lao Provincial Administration dekenai bona idia ese Provincial GBV Action Komiti idia henia ena gaukara karaia totona.
- Hahine oreadia danu Department Community Development idia hereva henidia moni haida bema idia henia Hahine edia gaukara durua totona edia Provins ta ta lalonai.
- WRO be Provincial Health Authority danu bema idia gaukara hebou HIV gorere idia abia taudia (PLWHIV) bona taunimanima daika tauanina idia dika, ogogami bona metau danu idia noho taudia bona gabu dau dau idia noho taudia durua henia totona.
- WRO ese danu sivarai halasia gabudia hegeregere Niuspepa, Radio, TV bona Mobile dekenai edia sivarai idia halasia taunimanima idia diba maoro bona durua totona moni karaia ena kahanai. (e.g., HWHRD network).

Orea idau idau danu Hereva hebou bona

Gaukara hebou taudia: Hahine edia Maoro Durua orea bona Gavamani edia huanai gaukara hebou dalana

- National Council of Women Forum ese bema namo ena gaukara karaia dalana bona anina idia hedinarai bona hadibaia vadaini iseda tanobada taudia ese diba maoro idia abia.
- WRO ese gaukara hebou oreadia ta hegeregere dubu bona orea haida danu idia abiahidi vadaini hanua Hahinedia bona Hahine edia Felosip oreadia idia haboua bona Tatau oreadia danu idia gaukara hebou.
- WRO oreadia ese danu Gunalaia gaukara kahanai memero bona kekeni mata mata idia hadibaia bona edia Region ta ta lalonai gaukara do idia karaia hebou. (e.g., HWHRD Network)
- WRO oreadia ese danu metau idia abia noho taudia bema idia itaia bona gaukara henia, hegeregere, Sinadia daika sibona natuna idia naria, Wabu oreadia bona Hahine daika metau idia abia noho sibona naria kahanai. Bema inai hahine oreadia idia haboua tamona neganai Hahine edia Maoro durua henia ena gaukara badadia momo do idia karaia diba.

Sivarai, Aonega bona Diba Halasia ena gaukara

Gaukara Karaia taudia: Gavamani, Hahine Maoro Durua henia Oreadia, Moni kahanai durua oreadia

- Gavamani ese bema namo Hahine edia Maoro Durua henia oreadia idia durua edia gaukara karaia ena kahanai bona diba henia Taunimanima ena Maoro hatubudae kahanai, GBV o Hahine botaia ena gaukara kahanai bona Diba abia gabudia hegeregere Sikuli badadia, Univesiti, TVET dekenai Hahine Maoro Henia ena kahanai bema Diba henia sivarai idia atoa vareai vadaini o herevalaia, memeroo bona kekeni ese diba maoro do idia abia edia Maoro hagini goada ena kahanai.
- Gavamani ese danu ia durua Hebou badadia lalonai taunimanima bema idia hadibaia NGO bona Gavamani orea edia gaukara hebou bona durua moni abia daladia ena kahanai.

Mobilizing/advocacy/dialogue/ Taunimanima Hadibaia bona Hereva henia kahanai

Gaukara Karaia Taudia: Gavamani bona Hahine Maoro durua henia Oreadia

- WRO ese bema namo Permanent Parliamentary Committee - Gender Equality & Women's Empowerment oreadia idia hereva henidia.
- WRO ese danu Gavamani idia hereva henia Hahine edia Ministry ta idia abiahidi vadaini National Council of Women danu idia gaukara hebou bona Gavamani ena gaukaraia idia herevalaia .
- Gavamani ese bema namo National Women o Hahine orea badana edia kahanai bona Gavamani ofesi lalonai Development of Women, National Council of Women bona National GBV Secretariat oreadia danu idia gaukara hebou tamona.
- WRO ese durua moni abia kahanai durua oreadia hegeregere Donor bona Gavamani, Finance/Ofesi taudia bona Rural Development/District Development Authority (DDA) bona Hahine oreadia danu idia hebou tamona bona durua moni abia daladia idia tahua..
- WRO ese Gavamani orea hegeregere Department of Provincial & LLG Affairs hereva henidia bona Hahine idia abiahidi Parliament dekenai gini ena taravatu idia itaia lou bona Local Level Gavamani ia lao District bona Provins dekenai danu bema idia abiahidi gunalaia karaia totona.
- WRO oreadia ese Ward edia Sivarai abia dalana bema idia itaia lou bona inai siavarai idia abia amo edia moni bona tubudaekaua palani do idia hatubua bona gaukaralaia diba.

Gaukara Taudia hadibaia bona edia Gaukara ena diba idia hatubua

Gaukara Karaia Taudia: Gavamani bona Durua oreadia o Donor oreadia

- Gavamani bona Donor oreadia ese bema namo edia gaukara daladia idia itaia lou vadaini WRO/CSO edia gaukara karaia dalana idia durua bona edia gaukara palani idia torea, dahaka idia laloa gaukaradia, bona dahaka idia ura hatubudae kahanai edia palani idia torea hedinarai namo namo vadaini edia durua moni do idia tahua bona abia diba.

Tahua Gaukara/ Diba Besedia /Taunimanima ena Numera sivaraidia

Gaukara Karaia Taudia: Gavamani bona Durua oreadia o Donors

- Gavamani ese bema namo National Council of Women oreana idia durua Lagani ta ta lalonai o Lagani rua lalonai Hahine edia Hebou badana ta idia abia tanobada lalonai Hahine edia noho mauri lalonai dahaka metau idia abia noho gaudia idia herevalaia bona palani haida idia karaia edena bamona inai kerere o metau idia hanamoa o koua diba.
- National Council of Women ese bema namo social media dekenai henanadai haida idia henia NCW edia Taravatu bona dahaka gaukara idia karaia noho ena kahanai. Inai tahua gaukara amo Gaukara Hahine bona Univesiti dekenai diba idia tahua Hahine bona Kekenai ese NCW Act o taravatu kahanai diba maoro do idia abia.
- WRO ese Provinsol Gavamani bona Donor oreadia edia durua henunai idia diba taudia bona Gaukara hebou taudia edia ladana bona Mobile numera bema idia torea hedinarai idia gaukara durua henia totona.
- WRO ese Gavamani bona Donor durua amo, Hahine Maoro henia ena durua gaukara karaia taudia edia numera bona Hahine Gunalaia taudia hida idia Gaukara Gavamani lalonai ena sivaraidia bema idia torea hedinaia danu.
- WRO bona Hahine Edia Maoro durua ena kahanai, gaukara karaia taudia ese bema namo inai tahua gaukara amo dahaka sivarai bona herevadia idia abia noho gaudia hegeregere WEAVER'S ore a bamona, do idia halasia inai hebou badadia lalonai taunimanima ese idia laloa bona herevalaia totona.





IWDA INTERNATIONAL
WOMEN'S
DEVELOPMENT
AGENCY



